




完
泉政紀



內閣文庫	
番號	漢 9578
冊數	4 (4)
函號	300 65



皖臬政紀示文目錄卷之四

脚戶店家毋許措勒赴試士子

江干各口岸撈屍具報給賞

勸示速葬祖先棺木自培心地毋惑風水

差人下鄉毋許私帶帮役

過客投宿歇店支更商客須防老爪賊

嚴禁學習拳棒

禁止打架

勸諭敬惜字紙

卷之四

自盡人命毋許抄搶誣告

九華山地虎毋許盤踞勒索

府考生童設立揭牌查拿匪竊

時屆隆冬嚴謹保甲

學宮毋許堆積穢物褻瀆

再禁捕尸捉雀

再禁溺文

惡棍誣告代首唆訟

嚴拿打降棍徒

飭諭惡棍遷善自新

曉諭謹防老爪等賊

飭禁興販私鹽

飭禁皖城毋許販米出境

皖城小心火燭

嚴禁賭博

嚴禁捕役妄拿良儒在於寺廟拷詐

嚴禁興販私鹽

示諭貧民領錢回籍安業

脚戶店家母許措勒赴試士子

爲嚴禁勒索赴試士子以恤寒苦事照得賓興之年
各屬文武士子皆遠赴江寧應試乃有不法脚家船
戶與歇店人等往往以儒懦可欺多方索詐將驢錢
騾錢車錢船錢房錢飯錢無一不憑空長價任意苛
求殊不知赴試士子寒苦者多盤費無措或稱貸于
親朋或質當于典舖或舌耕幾載方積得少許修金
或鬻產一朝始獲此些微價值何堪若輩恣肆吞噬
殊堪痛恨茲者秋試屆期誠恐伊等仍蹈故轍除行

地方各官嚴察外合亟示禁爲此示仰按屬士子并脚戶店家人等知悉如有各處應試舉子催覓頭口車船以及房錢飯食等項俱當照常受值不許分外勒索分厘如敢欺凌懦弱措勒索詐者本司不時訪掣外許受害士子就近投知該地鄉保隣佑處明前行該鄉地保甲仍即報官處治倘鄉地保甲不即公處左袒抑勒者查出一體重究決不寬貸各宜慎之特示

江干各口岸撈屍具報捐賞

爲再飭救生以恤民命事照得長江浩渺常有風浪之虞來往行舟時多傾覆之患本司念切民命業經捐俸脩造救生船隻并出示曉諭能救一生人者捐賞銀三兩倘救援不及撈獲一屍者捐賞銀一兩今于八月二十六等日據水手李孔士陳公烈等陸續稟報撈獲浮屍共四名又援救失水生人三名除俱經照數逐一捐銀給賞外但救生船隻無幾江面風波無定倘有救生船不到之處別項民船俱可乘者

救援然不一例給賞恐多膜視怠玩坐傷民命心殊惻然合再出示曉諭爲此示仰江干軍民人等知悉嗣後各口岸地方倘遇行舟遭風將覆無論各項民船有能衝風破浪救獲生人或救援不及撈獲一屍者該地方保甲人等驗明撈救寔情開明所救姓名籍貫立同本人赴轅稟報本司卽照救生船一例案名給賞決不失言此不特爾等可獲賞銀抑且救人一命勝造七級浮屠何莫非爾等自積陰功子孫昌盛也哉其各勉遵毋負本司好生至意特示

勸諭速葬祖先棺木自培心地毋惑風水

爲直扶風水之妄大開蠱惑之迷速當省悟以息爭端事照得富貴貧賤皆善惡之報故曰積善餘慶積惡餘殃此理也而非風水之所致是以古先聖賢四書五經從無語及墳蔭之事卽從來律例中亦無載有風水之條可見風水廕庇之妄也明矣試問爾之祖先父母在生之日尙不能使子孫轉貧爲富轉賤爲貴轉愚爲智轉夭爲壽而歿後朽爛之軀反能使子孫易貧賤爲富貴易愚夭爲壽智乎然廕祐子孫

或是其先靈照管兒孫之本心若夫家門蕭索亦謂先靈葬非其所之故何其謬哉為人祖先者豈不願子孫昌盛而反降之以禍乎若謂有風水則興無風水則衰則是爾之先靈不能自主惟聽命于風水矣彼風水者不過一塊泥土耳蠢然一塊灰土而能主生人之造化乎若謂風水佳者祖宗葬此安穩故來廕庇試問爾祖宗在生之日爾將好床褥好房舍與之起居室臥而祖宗卽能使子孫富貴壽考乎生時有所不能則歿後朽爛之皮無知之骨反能爲之廕

庇乎試問上古之世不葬其親並不知墳塋爲何物何以亦有公卿將相富貴壽考之人此亦豈風水先生安穴定向之所致乎思此則可恍然大悟矣每見貧賤之家未嘗講求風水而發達者有之及至旣富且貴專謀風水而子孫反致貧賤者比比然也以此而論更可知風水之誕妄而無容購覓者矣更可笑者山之高地之厚何處不可疊石壘丘何方不可穿池鑿井而乃謂傷損龍脉以致歿亡人口謬亦甚矣試問爾家墳脉未嘗有人傷損爾一家之人卽能長

生不歿乎胡乃世之人不思積德行仁維勤維儉盡
人事以聽天命祇欲向無憑無據無知無識之土塊
以求其廕祐發跡何其愚哉江南地方聽信堪輿之
誑爭山奪地結訟破家者甚多卽讀書明理之人亦
皆爲其蠱惑如風水之事果真則凡堪輿之家皆當
自擇吉壤子孫昌熾矣何以率皆貧窶托鉢沿門從
不見有興旺者卽此更可見其妄也若不大張曉諭
爲害寧有底止合亟出示爲此仰按屬軍民人等知
悉嗣後爾等當思富貴皆由天命亦由己操欲圖陰

地不如自培心地如果存好心行好事做好人天必
有好報倘若刁惡奸險爲匪作反自然災生禍至所
謂禍福無門惟人自召又曰禍福無不自己求之者
何必向無知無識之泥土旣朽旣爛之屍骸以求功
名利益哉爾等凡有祖先已葬者不必遷移未葬者
卽行速埋萬勿聽信堪輿之妄談結訟興詞破家蕩
產犯法遭刑自墮痴迷之夢境也如有以斬來龍損
人口渺茫不經之事混控者該有司一概不許准理
以遏刁風以止訟端此本司爲民息訟寧人全生安

身之... 卷四
死之至意各宜省之悟之特示

差人下鄉毋許私帶帮役

爲嚴禁帮役之害以安民生事照得州縣衛所設立衙役差遣公事不得已而用之者也正身之役猶當奉公守法不許需索民間况乎帮差白役結黨成羣攢燒而共詐乎近訪各屬凡票差一役該役卽帶帮差白役二三人若事稍重大而被犯又富足者卽者四五人六七人不等或坐轎乘船或騎騾跨馬聲勢赫奕昂然下鄉先索酒食次講差銀估量家私儘力勒索銀錢不足則繼之以鷄豚米麥器皿衣食之類

無不可以括之囊中此乃填不滿的谿壑喂不飽的
犬豕小民飲恨吞聲受累莫可言喻除密拿究處併
行各有司官嚴查外合行示禁爲此示仰按屬軍民
人等知悉嗣後如有地方官差人下鄉卽查其票內
所填姓名如有所差一人而私帶帮役數人者卽會
同地方保甲拿送該衙門處治如有該地方官徇庇
不究卽赴本司轅門喊告以憑提拿重處爾等毋得
畏懼不言自遭魚肉也特示

過客投宿歇店支更客商須防老爪賊

示諭歇店人等知悉歲序將終客商之往來不絕時
候寒冷盜賊之竊發正多爾歇家須遵本司上年示
諭遇有過客投宿務須支更巡邏天明放行如敢不
遵致有挖壁洞燒悶香偷去行裝坑害商旅者告發
定將爾店家嚴加究處賠償贓物决不寬貸爾客商
亦須謹防老爪賊途中切不可輕易搭伴亦不可起
早貪程以免禍害各宜慎之特示

嚴禁學習拳棒

爲嚴禁拳師打手以安良懦事照得士農工商各有
本業貧窮者自當勤謹以謀生富厚者更宜安分以
守已生事之輩必受禍殃強橫之徒定遭刑戮此一
定之理也柰何上江各處多有游手好閑慣打把式
請拳師邀槌手晝夜學習以便欺凌懦弱橫行鄉村
遇小事則獨行兇毆逢大事卽呼類打降良民之飲
恨吞聲被其荼毒者不知凡幾其如一旦敗露法亦
難逃近如虹縣搶奪人犯許宗爽案內之孫把式卽

孫文進現在究處發配豈非逞強之明報乎合亟示
禁拿究爲此示仰按屬軍民人等知悉嗣後如有學
習拳棒號稱拳師打手橫行不法者許地方鄉保隣
佑人等赴有司宅門密行出首該有司官聞首卽差
役密拿究訊確實重責四十板枷號一個月示儆倘
枷責之後仍然不改許赴本司轅門首告以憑提拿
杖斃決不留此惡棍放虎歸山也如地方鄉保狗隱
不首事發並行責處不貸各宜慎之

禁止打架

爲嚴禁打架惡風以安地方事照得大事俱從小事
起人命多由鬪毆來爾等小民不知利害少不如意
就動大氣或只爲一錢五分的交易不明或只爲三
言兩語的言語不合便爾出口就罵揮拳就打更有
吃了幾盃淡酒倚醉撒潑亦有仗了幾觔膂力逞強
橫行且有一等倚恃勢力護符凌侮兇毆再有身克
衙役狐鼠作威或倚仗親戚生監衙役借勢猖狂動
輒打人以致良善遭殃懦弱受害小則損肢傷體大

則喪命殘生所謂一朝之忿忘身及親又曰小不忍則亂大謀是地方之不寧習俗之不美皆由於此豈可謂鬪毆細事便可放縱而不戢之也今查安慶城廂內外日日有打架之人殊爲不法除已往不究外合亟示禁爲此示仰軍民諸色人等知悉嗣後爾等各安本分無作非爲卽有些小不平之事彼此容忍一刻就可平安過去或有十分不得已之事債親隣理處切不可好強使氣動輒毆打恐得一時之氣免得連日之憂所謂吃虧人常在好勝人遭殃倘或一

拳一脚打死了人那時告官抵命悔之遲矣卽或不致死人亦有一定之罪查律載毆人青腫血出並穢物污人頭面者杖八十折人一齒及手足一指眇人一目破傷人骨者杖一百若兇徒因事忿爭執持鎗刀鋼鐵箭鞭斧扒流星秤錘斃器但傷人者與刺瞎人眼睛折跌人肢體者發邊衛克軍定律如此之嚴爾等可不畏乎自示之後如有頑梗不遵仍敢爭鬪打架者着鄉保總甲兩隣卽刻首報以憑嚴拿輕則枷責示衆重則照律發遣如保甲人等徇隱不報以

至別有發覺一併處治不貸各宜慎之特示

[Faint bleed-through text from the reverse side of the page]

勸諭敬惜字紙

為勸惜字紙以積善果事照得字跡乃先聖所造後世賴之其功甚大儒釋道名為三教釋道之於經典字跡不啻敬之如神豈儒為三教之首及不惜字而棄之如敝屣耶夫所謂儒者不必讀書發達之人凡我百姓皆儒教中人也昔有無錫縣華三仲本不識字却知愛惜字紙兼能勸人凡有字紙則必收聚一處若有遺落在地則必拾取之有穢污者則必洗滌之積至一筐則用火焚化送灰水中如是三年即生

一子讀書聰明年二十卽登進士夢神人曰汝惜字
有功故賜汝一貴子又有林之秀者平生不惜字紙
糊窻包物抹桌有遺地者卽行踐踏甚至擲於污穢
之處後爲雷擊背書作踐字紙之報六字此等報應
載之於書者甚多不能盡錄今本司見各處多有用
字紙糊窻並包裹物件者比比皆然此皆愚民無知
不曉得遭邊字紙的罪過豈知惜字者必有好報不
惜字紙者必有惡報試看華三仲與林之秀一個子
貴一個雷打其報應豈不昭昭耶除行地方各官禁

飭外合亟示諭爲此示仰軍民諸邑人等知悉嗣後
爾等無論讀書不讀書凡見字紙皆當敬惜切不可
糊窻包物裱楷抹桌以及蓋覆瓶壘丟棄地土如有
遺落在地混入污穢者卽拾取焚化送灰水中爾若
久久如此天必賜汝以福子孫必然貴顯倘不遵勸
諭包物糊窻任意作踐者不特神明鑒察必然降禍
一經地方官查出卽拿來責處給爾一個現在報
應決不姑宥爾等地方保甲將此示申之意挨家傳
諭逐戶勸化如有傳諭不到勸化不力以致仍有不

遵者將地方保甲一併責處不貸這是勸爾等積德
好事量必俱能恪遵無庸本司諄諄多囑也特示

自盡人命毋許抄捨誣告

爲嚴禁自盡訛詐之惡風以安民生事照得螻蟻尙
且貪生爲人豈不惜歿柰何江南地方愚夫愚婦或
因一時口角些小微嫌或因翁姑夫婦偶爾爭鬧儘
可忍耐儘可寬容者乃竟投河懸梁自刎服毒何其
不自惜命一至于此本司披閱各屬報到自盡人命
率多如是並無有被人毆逼欺凌出乎情之不得已
者一經自盡而屍親人等以爲奇貨可居架詞具控
或借題訛詐或乘勢抄捨在小民不知律法恐有大

罪俯首受詐孰知律載威逼人致死者不過杖一百
追埋葬銀十兩而已且必犯人有可畏之威方謂之
威逼若只平等之人彼此相爭輕生自盡者並不作
威逼人命亦無問罪追埋之事近來有司各官往往
以人死非命情有可憫遂不問其威逼寔據亦不究
其抄搶真情混行擬罪追埋以致自盡之風不息搶
詐之習日多而一班訟師地棍得以從中簸弄恐嚇
吞噬大爲民害合亟示諭爲此示仰按屬軍民人等
知悉嗣後凡有控告自盡人命者必審明寔係豪強

惡棍行兇威逼以致情不得已捐生自盡者方照律
問罪若是彼此平等之人些小口角並無威勢凌逼
而輒輕生自盡者此皆自作之孽與人何尤槩不問
罪如有抄搶誣告等項仍行究問及坐如有本家不
告而旁人妄首亦不准行本司執法如山矢心若水
務必力爲懲創絕此惡風而後已倘有違犯者決不
寬恕各宜慎之各宜遵之

賈欺凌善信毒害道場似此愍不畏死玩法已極除
嚴行該縣查拿外合再出示曉諭爲此示仰九華山
鄉保及一應僧俗人等知悉嗣後如前項棍徒劉珠
姜班岳等仍敢在山盤踞爲害恃強肆橫及勒索香
客不法等事許爾等卽據寔赴轅控告以憑立拿盡
法重處本司惟以除暴安民爲念決不爲克徒寬縱
爾等慎毋畏怯隱忍自貽伊戚也特示

府考生童設立捐牌查拿匪竊

爲嚴飭查拿事照得目今該府考試童生六縣文武
諸童不下萬餘雲集皖城誠恐匪類乘此人多潛踪
街市丟包剪絡更恐不法之徒勾引窩藏日則撞騙
夜則挖竊深爲民害合行查拿爲此示仰鄉地保捕
早巡人等知悉卽捐此牌在于城關內外庵觀寺廟
大小歇店逐加稽察如遇有前項匪竊立拿解司以
憑大法究處枷號示衆本司懲治匪類弭盜安良執
法甚嚴決不少寬爾鄉地保捕早巡人等如敢偷安

怠惰徇縱或經訪聞定拿重處若其借端生事察出
處處不饒特示

時屆隆冬嚴謹保甲

爲再嚴保甲緝捕之令以弭盜賊以安民生事照得
保甲所以弭盜于未然緝捕所以靖盜于事後兩者
乃有司之要政若不極力奉行致使盜賊充斥不幾
大負牧民之任亦烏用此地方官爲也本司蒞任以
來業經諄諄申飭已不啻至嚴至切不意近來各屬
報強報竊者纍纍不絕明係保甲不行緝捕不力以
致匪徒肆橫民枕不安殊可痛恨除現在逐案查叅
勒緝外第思弭盜之法無有過于保甲緝盜之方無

有過于懸賞二者所斷斷宜行而不可懈弛者也本
司早作夜思無刻不以民生爲念何有司各官止管
一邑地方乃竟優游從事全不以弭盜安民爲事惟
衣帛食肉止自取逸樂而已于心其何安平雖賢者
固多而不肖者寔亦不少合再嚴行示諭爲此示仰
按屬官吏軍民人等知悉當此隆冬歲逼正盜賊竊
發之時該有司即捕各官嚴督該地方照依成例嚴
謹保甲晝則稽查匪類夜則均派里民支更巡守倘
有來歷不明行踪詭秘夜聚曉散賭博游手之徒卽

舉報地方官驅逐究治毋致隱匿潛藏若稽查不力
徇隱不報定行一體究處如遇有盜賊竊劫鳴鑼爲
號四隣地方齊力救援若坐視不救亦照例責懲倘
有捕役以及地方隣佑並一切旁人有能首先拿獲
強盜一名者賞銀三十兩獲賊後供出同夥姓名續
獲一名者賞銀十五兩多獲者照數給賞此項賞銀
地方官捐給蓋盜案有降級處分獲盜可以免降出
此賞銀自亦甘心至于竊盜有首先拿獲一名者賞
銀十兩續獲一名者賞銀五兩更有盜賊中自行抱

明史紀事本末 卷四
賍出首供出同夥姓名指引拿獲一名者除免罪外仍賞銀二十兩如有舉首窩家真寔者亦賞銀二十兩此項賞銀有司亦卽捐給若不捐給卽赴本司具呈照數賞給决不食言本司無非爲寧謐地方起見諒各有司必能仰體恪遵倘有膜視民瘼偷安怠惰不肯認真奉行以致強竊頻聞民難安堵者足見其闕茸無能因循曠廢事發之日惟有據寔詳叅並提經捕重懲不貸慎之慎之

學宮毋許堆積穢物褻瀆

爲嚴禁事照得

學宮乃文教重地理宜清肅以示尊崇茲查安慶懷寧府縣兩學之內有一班無知之徒稱爲營伍兵卒擅將馬匹猪羊等畜縱放踐踏而府學拖扯一帶又被造做米礮之家起土挖坑其縣學中二兩門更多污穢堆積夫以

朝廷設立之泮宮而爲小民作踐之穢藪殊爲褻瀆之甚合亟出示嚴禁爲此示仰按屬軍民人等知悉嗣後

敢有無知棍徒妄稱營伍在於學宮內縱放馬匹猪
羊污穢作踐堆積糞草以及米礮之家起土挖坑者
許該地保卽時扭稟赴縣究懲詳報慎勿故違泛視
特示

再禁捕雁捉雀

爲禁止捕雁打雀以全生命以昭果報事照得人生
世上各當務一恒業或做小本生意或傭工做活或
習學手藝何事不可以養生餬口何苦定要殺生害
命况大雁乃信義之鳥若傷其一永爲孤雁且其飛
鳴宿食與人無預以及一切雀鳥皆飲啄自得並無
累害于人胡乃一種游手游食之人不務正業毫無
仁心一味捕捉雁雀爲事傷他性命以養己身誠惡
如豺狼毒如蛇蝎天理昭彰如何得有好結果所以

捕雁捉雀之人愈貧愈窮愈沒下稍曾見有殺生害命者能有好報者乎今本司說幾個因果與你們聽壯直邢臺縣周茂生最好捕雁一日打一雄雁置之院中其雌雁從空尋至忽然飛下雌雄二雁悲鳴不已兩頸互絞而死後茂生復用鳥鎗打雁鎗裂傷手潰爛而亡又山東汶上縣李之順好捕雁一日與子在蘆葦中用鎗打雁雁撲子身鎗悞傷子而死之順亦投水損命子孫絕滅徐州王三捕雁殺傷甚多夜夢神人曰汝惡貫滿盈命羣雁箝其身醒來滿身疼痛漸變爛瘡而死鎮江張開一生以捉鳥雀爲事愈見貧窮妻亡子死後病床餓死羣雀共啄其肉飛鳴喧鬧隣舍推戶進視羣雀方去肉已食盡僅存筋骨又鎮江左所軍士妻范氏患瘵疾遇道人云用百雀之腦合藥方好其夫卽買百雀在籠夫出范氏知之曰以我一人害此百命甚爲不仁寧使吾死開籠放去夜夢神人曰汝命當死今爾好生延壽一紀後不醫病愈復生一子兩臂有雀斑長爲仕宦弘農人楊寶見一黃雀折足墮地楊寶憐而收歸采黃花飼養

痛漸變爛瘡而死鎮江張開一生以捉鳥雀爲事愈見貧窮妻亡子死後病床餓死羣雀共啄其肉飛鳴喧鬧隣舍推戶進視羣雀方去肉已食盡僅存筋骨又鎮江左所軍士妻范氏患瘵疾遇道人云用百雀之腦合藥方好其夫卽買百雀在籠夫出范氏知之曰以我一人害此百命甚爲不仁寧使吾死開籠放去夜夢神人曰汝命當死今爾好生延壽一紀後不醫病愈復生一子兩臂有雀斑長爲仕宦弘農人楊寶見一黃雀折足墮地楊寶憐而收歸采黃花飼養

毛羽成飛去一夕夢見一黃衣童子再拜曰我是西
王母使也往蓬萊過此爲梟所擊蒙君救我以白玉
環四枚與寶曰君子孫縈白位登三公當如此環寶
後四世爲三公此皆載之于書歷歷不爽可見害鳥
雀者得惡報救鳥雀者得善報人亦何苦不爲善而
必爲惡乎前經示禁仍有不遵令再示禁爲此仰按
屬軍民人等知悉嗣後爾等各務本業不許捕雁捉
雀殺害生靈如敢故違許地方旁人赴有司出首該
有司立即嚴拿究處不可寬貸以爲殺生害命之規

報爾等當將本司示中之意細細思量無非教爾爲
善以得好報毋得甘爲惡人自取惡報也凜之遵之

再禁溺女

爲再禁溺女力除惡習以全生命以挽頽風事照得
親莫親于兒女痛莫痛于骨肉豈有自己親生骨肉
而竟忍心溺歿乎常言虎毒不食兒豈有人之惡友
毒于虎乎生男生女總屬性命豈有男當存而女當
歿乎何不想爾之母與妻與媳皆是女身若將女孩
俱行溺死則爾之身從何來妻從何得媳從何娶是
豈男可重而女可輕乎况骨肉相殘傷天害理是以
愈貧愈窮斷然不能昌盛世風惡薄無有過于此者

故本司下車以來卽叙明溺女報應開明律例條約
屢屢示諭又詳明

院憲再四嚴禁不意尙有廬州府巢縣殷有三之妻
童氏于康熙五十八年二月初十日生一女孩仍行
溺歿本司訪聞提拿到皖究訊情真將殷有三照故
殺子孫之律問擬發落並伊妻童氏與隣佑李彩文
等俱行處治在案爲思溺女之禁本司何等嚴切何
等認真乃大胆無知之徒仍有抗違不遵只道無人
知覺可以逃得法網豈知本司處處察訪刻刻在心

斷不托之空言虛應故事已也誠恐各屬地方日久
懈弛若不再加儆飭則如殷有三者正復不少合亟
通行曉諭爲此示仰按屬軍民人等知悉嗣後務遵
本司屢禁凡有生女者俱當存養不得擅行溺歿天
生一人自有二人衣祿斷不致養一女而貧溺一女
而富倘有不遵示諭暗行溺歿一經本司訪出定將
本家男婦照故殺子孫之律杖徒隣佑總甲一併重
處決不寬貸本司耳目最近有犯卽知勿謂無人覺
察悄然溺歿自取重咎也凜之遵之

... 惡棍妄告代首唆訟 ... 為嚴禁代告妄首唆訟害人之惡棍以肅法紀以安良儒事照得地方多事之徒專以害人為事凡遇人家有病歿與自盡各項人命本家的屬屍親已情願埋葬完結而此惡棍竟敢妄以打歿埋命等情出首或假托屍親地方之名代告或暗唆本家親友具控或扛幫屍屬訛詐希圖於中獲利或借此報復私仇再若盜案以及各項情事莫不如此出頭代首王峻控告為兇為賊大害民生如近日太湖縣之余

惡棍妄告代首唆訟

... 王峻控告為兇為賊大害民生如近日太湖縣之余

木公王傳信涇縣之查宮徐梅王清貴池縣之馮京
如青陽縣之劉諾當塗縣之婁全吉鍾寅公陶雲次
合肥縣之董宜廣德州之雲輝曜來安縣之周仔等
此皆代人首告主唆誣控之人已皆一一審虛流徒
者流徒枷責者枷責可見害人者反以自害也要知
一切情事寔則寔虛則虛一經官審自然立辨何曾
見混過一案饒過一人詐錢不得到手私仇不得報
復反賠了前程賠了皮肉賠了資財賠了妻孥仔細
思量作惡者徒自苦耳亦現世報也何不安分守已
平安度日何苦出頭多事反害已身已往者業皆究
處未來者合行示禁爲此仰按屬軍民人等知悉爾
地方多事之人須速改惡從善守分保身切莫逞聰
明弄刁筆將他人之事妄行首告暗裡扛幫一經究
出禍患及身

國法無私

王章有赫余木公等之前車可鑒其各慎之其各儆之特
示

嚴拿打降棍徒

為嚴禁拳棍打降以安良懦事照得各屬地方多有強惡棍徒自恃膂力壯健又學習一手拳棒因而呼朋引類橫行鄉里凡有不遂其意者即肆行毆打良懦小民畏之如虎以致遇事生風詐取銀錢物件甚至強姦婦女肆無忌憚被害之家不敢告理地方憐佑不敢舉報此等惡棍毒似豺狼若不嚴行拿究民生何以得安本司下車時雖經嚴禁誠恐日久懈弛此輩依然恣肆除訪查外合亟再示嚴拿為此示仰

按屬官吏以及軍民人等知悉爾等各地方如有前項不法棍徒自恃拳師打手毒害民生者許被害之人以及地方鄰保卽赴有司控告該地方官立刻嚴拿從重究處枷示毋得寬縱如該有司不能爲民除害不力行拿究或被本司訪聞或被害之人赴轅告發定行差拿盡法重處枷示決不輕貸本司深知此等惡棍痛恨有素法在必行各宜慎之

惡棍遷善自新

爲嚴禁光棍橫行以肅法紀以靖地方事照得本司職任明刑心存弼教凡有奸惡棍徒爲害地方者無不時時察訪以期除暴安良茲查各屬中民風醇厚者固多而奸棍肆橫者亦復不少或刁唆詞訟以是爲非或揷身硬証易曲爲直或出入衙門交結蠹役或挾制官長任意把持或包攬錢糧挺身代比或勾聯排歇抗悞催科或邀朋引類酗酒呼盧或恃強凌弱打架行兇或不聘而捨人婚姻或借命而破人家

產或圖利而擅拆民房或盜蔭而殘及墳塚或挾私忿而假通公呈或恐嚇錢財而勒具和息遂意則公貼德政拂欲則私出謗言種種奸惡業經訪確姓名本應立拿重究但不教而誅心有不忍合先示禁爲此仰按屬軍民人等知悉凡爾惡棍速宜改頭換面遷善自新則當暫從寬政聊予姑容如敢怙惡不悛仍蹈故轍一經本司訪確或被有司通詳定行飛拿按究輕則傷身重則殞命斷不能再爲爾等怨也慎之戒之毋貽後悔特示

曉諭謹防老瓜等賊

爲曉諭謹防老瓜等賊以保身命事照得道路之上除响馬強劫外尚有陰惡之賊使人不知不覺而受害者者有三一曰老瓜賊如遇行客四五人騎驟挾貲而來彼亦四五人乘坐牲口扮作客人模樣同歇店中將假銀故意亮稍使客人看見只道亦是有本行客就大家搭話客云何處去彼亦云何處去日復一日彼此相熟賊且買酒買肉相邀飲食情投意合毫不疑心由此一路同宿同行彼又另有夥賊數人或

騎驢或步行前前後後錯落行走及到可以下手之處那老瓜賊與客人一店住歇那夥賊暗相約定於村店里許之外在路旁預刨土坑或刨埋一人之坑或刨埋兩人之坑安排妥當到了夜半三更那同店之賊假作鷄鳴卽催客人起行客信爲寔就大家起身行至近坑之地那夥賊在彼打火吃煙而此同行之賊以借火吃煙爲名哄騙客人停住或亦下騎吃煙賊預帶有蠟打堅滑之繩上着一銅圈于暗地中賊將客人用繩套頸一背而歿一人套頸一人抬脚

仍于胸膛等處戳扎兩刀埋屍坑中滅跡其銀錢什物刼取而去一曰下蒙汗藥之賊其賊帶有糖果點心之類內中雜以有藥無藥者途中遇有財物之客或騎頭口或係步行亦哄誘搭伴日漸相好先以好果同吃使其不疑後將藥果雜入于內彼認識無藥者先行自吃將有藥者騙客食之壯健者行十五六里瘦弱者行十餘里藥性發動口角流涎茫茫行走不知人事賊卽將牲口行囊公然趕去旁人見之亦所不覺而受藥之人再行數里然後跌倒過後醒來

而賊人行囊已不知何處去矣一日燒悶香之賊彼將藥麵合成悶香如指大凡遇客人歇宿店中賊卽於窻戶內將香伸入薰燒燒至一二寸客卽昏迷身不能動口不能呼所有行囊財物任其竊取而去以上三種惡賊大爲民害昔本司在山陝審理此等案件甚多知之甚悉而上江地方亦復不少故蒞皖時曾經出示曉諭令店家客人小心防範奈日久懈弛每多疎虞近如舒城縣具報椿樹岡地方有一坑長如人形鄉地報官起視頸上繫有棉紗繩赤身面朝

下背朝上肋有刀傷二處又于秦家岡地內土埋一人露出一手起視亦係刀扎致歿據該縣驗訊皆是老瓜賊所害可見此等事現在俱有不是空言蒙督撫兩憲批示嚴究并令出示諭各店家不許早放行客必日出起行日西住歇如違拿店家究處等因此誠洞悉其情保全民命之至意也除行各屬遵照外合再出示曉諭爲此示仰店家並行客人等知悉嗣後店家歇客務須徹夜支更小心巡守日出之時方許放客出門其牆垣門壁皆須修葺堅固以防挖竊

倘不遵示諭放客早行以及燒悶香等事害客者或被訪聞或被告發或被鄉地舉報定提該店家到案嚴行夾責究以通賊情弊決不寬貸該地方鄉保須不時稽查舉報如有徇隱一體重處不饒至于過客人等離鄉別井携資遠行無非欲養家活口倘不小心致被謀害則銀錢斷送屍首無踪家中父母妻子不知下落終日懸望永無相見之期豈不深可悲痛嗣後出門在途切不可搭伴切不可早行切不可貪嘴吃人之物以防老瓜賊蒙汗藥之害若晚歇店中

務將窻紙撕破襪子枕頭復置水一盆放於臥側以防燒悶香之害蓋撕破紙窻則香氣可出以襪枕頭則香氣可逐置水一盆則香氣可收有此三者則悶香不能迷人矣本司爲爾等身命起見故不憚煩瑣諄諄曉諭爾等須當謹記本司之言凜凜遵行庶免其害毋得泛視自貽禍患也思之慎之特示

于未犯之前爲此示仰軍民人等知悉爾等當思滿
兵遍處查拿非同從前可以僥倖俱當改業從善自
保身命若仍愍不畏死猶敢私販一經滿洲官兵或
地方捕役拿獲定將私販棍徒與頓藏窩主嚴加重
處决不輕貸慎之慎之

飭禁皖城毋許販米出境

爲飭禁事照得皖屬今歲歉收所產米糧尚不足地
方百姓食用豈容貪夫射利販賣出境近訪有奸牙
勾引外來商販向囤戶高價貨買裝載出境以致米
糧騰貴日甚一日是奸徒只知獲利肥己不顧窮黎
口食現據百姓紛紛具呈合亟出示嚴禁爲此示仰
軍民人等知悉嗣後敢有奸牙勾引外來奸商將米
整担裝載出境者該地方總甲軍民人等卽行扭稟
所在官司申詳究治不貸毋違

丁酉年五月廿三日
 為禁車馬雜物
 今茲歲暮米穀
 尚不呈獻
 為禁雜物世
 有規米出禁

皖城小心火燭

為再諭小心火燭以保安寧事照得火災之患為禍
 最慘不可曰天數之當然寔由人事之不慎也本司
 蒞任以來節次曉諭在案不意日久懈弛今八月二
 十二夜乃有大觀亭後漆匠李昇士在外未回其妻
 曹氏點燈封于籬壁守候睡熟致火燃壁燒歿本婦
 曹氏子女並伊岳母外甥五名口仍燒傷大女並燒
 傷鄰人楊建伯之妻與子二名口延燒鄰舍共計一
 十六家深可憫惻除將被火各家經本司查明人口

給賞軫恤外此皆平日不肯留心謹慎以致焚屋傷人斯其明驗也合再出示曉諭爲此示仰按屬軍民人等知悉嗣後一切火燭俱須預防不可疎忽如佛前燈厨下火以及竹壁懸燈紙煤吃煙等項最易起焰苟非熄滅淨盡俱能觸發爲災况今夏秋之間天久未雨房屋乾燥尤應謹慎全要當家男婦隨事留神到處照管再若天氣漸寒所用火爐火盆日勿放近竹木乾烈之處夜毋帶入床鋪被褥之間又若放花爆起火爆紙火星或悞落柴草堆中或誤投窻間壁縫若不急滅亦易爲患爾等務各謹慎共相勸勉以保安寧毋再仍前疎忽致遭慘害自貽伊戚並害衆家也凜之慎之毋忽

嚴禁賭博

爲嚴禁賭博以安民生事照得士農工賈各當務其
本業富貴子弟尤宜保厥身家賭博者敗家墮業之
事也人豈可爲之乎况定例賭博之人枷號兩個月
責四十板開場存留抽頭者枷號三個月責四十板
煌煌法紀寧敢違犯耶然其始皆由於無賴之徒誘
騙而起一入其局便難歇手如其贏也以爲譬如不
贏不妨再去如其輸也於心不忿又想撈稍是故贏
亦不歇輸亦不歇你想我我想你將此銀錢一往一

來擲擲被頭家抽去牌牌爲窩主拈來又有撮飛頭的吃紅的打鑽的飲酒食肉零碎花銷落後來輸者固是輸贏者亦是輸富厚者典賣田產漸至貧窮貧窮者情極無聊卽爲盜賊試看世上之人曾有賭博者而能發迹昌盛乎有等賢父兄明知不肖子弟欲行究處又恐干碍顏面勉爲隱忍以至狼子野心絕無忌憚姑息之念一生敗子之頭不回矣近聞皖城內外賭博甚多卽有數家良善子弟爲人引誘入場花祖父之產業壞清白之門風富者貧貧者盜或相

爭而鬪然嚷詈或鬪毆而傷及體膚人命盜案從此而生深可痛恨除密拿外合亟示禁爲此示仰軍民地方人等知悉嗣後如有不肖之徒窩藏勾引或摸紙牌或擲骰子夜聚曉散放賭抽頭者許地方隣佑早巡人等立時會同拿首以憑照例枷責其有同伴出首者免罪給賞若地方隣佑早巡人等徇隱不報或借端索詐者一並重處不貸本司言出法隨爾等毋得藐玩悔之無及也思之慎之

地保人等知悉嗣後如有捕役人等托名緝獲賊犯
來至廟中吊拷者該僧道立即會同地保隣佑人等
一面救阻一面將捕役即行拿住稟官該有司立即
嚴加究處其有空廟之所該地方保甲不時稽查如
有惡捕吊拷而僧道地方不即救阻稟官者事發之
日將該住持僧道地保人等定行一並重處該有司
如庇捕不即嚴究亦即揭叅決不姑貸慎之毋違特
示

嚴禁私販私鹽

為嚴禁私販以肅法紀事照得販賣私鹽即是徒仗
之罪若有大夥興販持械拒捕傷人者重則斬絞輕
則軍流何等嚴切從前爾等奸民倚棍胆行興販地
方捕役或有疎懈不緝今奉

皇上

特旨派撥滿洲官兵四路巡緝嚴緊非常爾等要想
僥倖漏網斷不能現經拿獲者甚多本司一一提
審重究大非從前可比誠恐爾等不知利害自投法
網本司愛民心切與其究處于事犯之後孰若禁止

于未犯之前爲此示仰軍民人等知悉爾等當思滿
兵遍處查拿非同從前可以僥倖俱當改業從善自
保身命若仍愍不畏死猶敢私販一經滿洲官兵或
地方捕役拿獲定將私販棍徒與頓藏窩主嚴加重
處決不輕貸慎之慎之毋違特示

行十府州

示諭貧民領錢回籍安業

爲曉諭事照得去年各處少有旱荒故爾等貧難小
民來皖求吃者頗多本司念切痼瘼已經屢次施給
棉衣分散錢鈔茲又每大口給錢五百文中口三百
文但今時已春和正農事將興之候爾等各有故鄉
或有地土自當及時回去種地的種地傭工的傭工
各覓生涯自求活計方爲長便之法若只在外游惰
必致衣食不繼倘或疾病纏身終爲他鄉之鬼况皖
城彈丸小地非爾等許多貧丐在此聚集于居民亦

有未便今本司所給之錢可足三月口糧爾等儘有
回家之資趣此天和氣暖速各散去毋得將本司所
給之錢沽酒買肉兼之賭博一時花盡自受其苦再
要資給恐力有不能矣各宜遵之特示

芾等趨庭時 家大人呼而告之曰爲官之道錢穀刑
名二者而已而爲官之道之難不難於錢穀而最難
於刑名錢穀之術惟於催科之中加以撫字之懷黎
庶卽沾恩而沐德矣至若刑名一官曲直由之辨焉
冤抑賴以伸焉生死於茲定焉風化從而移焉此任
必上體天心下恤民情捫心自問無毫髮之私尤無
毫髮之疑而後可以對

君

親而不負臨衾影而不媿也且大禹謨內載刑期於
無刑又曰罪疑惟輕與其殺不辜寧失不經體味此

語可以得司刑之三昧矣余念七歲出宰東省黃邑
歷十年

特陞陝省寧州未逾年奉

督撫保

題

擢補寧夏同知越五年甘撫卓薦

陞見又三年奉

旨授山西大同知府歷四年奉

特旨補授江南驛鹽道四年九鄉保舉奉


旨引見

特簡安徽臬司荷蒙

聖主隆恩歷任皆有錢穀刑名之責余於錢穀固詳且慎
矣而刑名尤加之意焉迄今職任爽鳩刑名總滙日
夜之所殫精竭慮者惟刑恤是念凡有命盜各案隨
到隨訊不忍片刻擔延致茲苦累蓋犯法之徒固愍
不畏死矣然彼自有應得之罪如其罪而決之是已
使彼久羈囹圄或患疾或瘦斃於心安乎故余不計
案牘之多寡必盡心詳閱日不能畢繼之以夜夜不
得其情則思以至旦務於死中求生將天理人情國

法六字時時體認惟恐牧令有未盡晰之處誣枉永
沉卽察得其情尤必反覆審確不敢徇私不敢執見
不敢草率不敢怠惰也爾輩筮仕在卽各宜謹依吾
言勉之勵之余在皖所行政事案牘甚繁不暇盡載
今檢其有裨治道關係風化之最者編成一帙名曰
政紀皆余一片苦衷上報
君
親下安黎庶詒之爾輩直是作吏家傳一書也芾等
祇領之下復讀政紀諸篇知爲官之道之難誠不難
於錢穀而難於刑名也芾等資質愚魯見聞淺薄得

家
此家傳庶窺爲政之萬一凜慎刑之至意縱不克肖
大人政治之周詳廉幹亦必不敢爲庸碌尸位吏付
之剗剔豈容緩乎芾更知此編一出凡居位之
仁人君子諒必有鑒其心而嘉其意者又不獨爲家
傳之書已也謹識



男
芾 華 藻 蕙
百拜

文已已

[Faint, illegible text on the left page]

[Faint, illegible text on the right page]

